



Broj: 09-20/1-11-2-2950

Datum: 26.12.2022. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije d o n o s i :

ODLUKU

o izboru najpovoljnijeg ponuđača u postupku Javne nabavke zimskih policijskih uniformi i dijelova uniformi za Specijalnu policijsku jedinicu

1. Dodjeljuje se Ugovor ponuđaču „Zenko“ d.o.o. Zenica za javnu nabavku zimskih policijskih uniformi i dijelova uniformi za Specijalnu policijsku jedinicu prema ponudi broj: JN-24-2022 od 26.12.2022. godine sa cijenom od 135.975,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20/1-11-2-2950 od 23.11.2022. godine
4. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj:29/14)
5. Za izvršenje Odluke zadužuje se Sektor za materijalno-finansijske poslove

OBRAZLOŽENJE

Federalna uprava policije je provela otvoreni postupak javne nabavke zimskih policijskih uniformi i dijelova uniformi za Specijalnu policijsku jedinicu po Obavještenju o javnoj nabavci broj: 1412-1-1-296-3-159/22 objavljeno u "Službenom glasniku BiH" broj: 78/22, dana 02.12.2022. godine, i ispravka obavještenja o nabavci broj 1412-1-1-296-8-184/22 od 23.11.2022. godine.

Komisija za provođenje otvorenih postupaka nabavki za 2022. godinu, imenovana Rješenjem zamjenika direktora Federalne uprave policije broj: 09-19/1-30-2-64 od 19.01.2022. godine je utvrdila da su u predviđenom roku za dostavljanje ponuda pristigle dvije zatvorene koverta sa ukupno dvije ponude, uz jednu kovertu dostavljen je prilog (jedna kartonska kutija) dok uz drugu kovertu prilog nije dostavljen.

Komisija je konstatovala da su pristigle ponude ponuđača „Danial'S“ d.o.o. Tešanj sa ponuđenom cijenom od 136.752,00 KM bez PDV-a, i ponuda ponuđača „Zenko“ d.o.o. Zenica sa ponuđenom cijenom od 135.975,00 KM bez PDV-a što je konstatovano u Zapisniku sa otvaranja ponuda od 26.12.2022. godine u koji su uneseni svi elementi predviđeni članom 63. stav 4. i 5. Zakona o javnim nabavkama BiH.

Pregledom i ocjenom ponuda Komisija je utvrdila da je Ponuda ponuđača „Zenko“ d.o.o. Zenica broj: JN-24-2022 od 26.12.2022. godine formalno-pravno ispravna i da ispunjava uslove tražene tenderskom dokumentacijom, dok je u odnosu na Ponudu ponuđača „Danial's“ d.o.o. Tešanj broj: IP/751/22 od 24.12.2022. godine utvrdila da isti ponuđač nije dostavio uzorke tražene tačkom 24. tenderske dokumentacije, a čije dostavljanje je obavezno, niti slijedeću dokumentaciju: Izjava o ispunjenosti uslova iz člana 45. ZJN - Anex III, Izjava o ispunjavanju uslova iz člana 47. ZJN BiH Anex V, Aktuelni izvod iz sudskog registra ili rješenja nadležnog organa, Pismena Izjava ponuđača iz člana 52. ZJN - Anex VI, Izjava o garanciji za uredno izvršenje ugovora u skladu sa tč. 29. TD, Izjava o garanciji za uredno izvršenje ugovora (u skladu sa tč. 28. TD), ostala dokumentacija tražena TD, dok je slijedeću dokumentaciju dostavio potpisanu ali ne ovjerenu iako je ovjera tražena TD i to: Obrazac za dostavljanje ponude – Anex I, Obrazac za cijenu ponude - Anex II, Obrazac o povjerljivosti informacija - Anex IV i od strane ponuđača popunjen i potpisan nacrt ugovora – Anex VII, te se zbog navedenog ponuda ponuđača DANIAL'S d.o.o. Tešanj smatra formalno-pravno neispravnom i kao takva ne ispunjava uslove tražene tenderskom dokumentacijom zbog čega je ponuđač „Danial's“ d.o.o. Tešanj isključen iz daljnje kvalifikacije.

Komisija je vodeći se uslovima propisanim tenderskom dokumentacijom i prema kriteriju najniža ukupna cijena tehnički zadovoljavajuće ponude konstatovala da je ponuda ponuđača „Zenko“ d.o.o. Zenica za ugovorni organ prihvatljiva, te je shodno članu 70., Zakona o javnim nabavkama Bosne i Hercegovine, predložila donošenje Odluke o izboru ponuđača za navedeno pravno lice, što je konstatovano u Zapisniku o pregledu i ocjeni ponuda od 26.12.2022. godine.

Razmatrajući prijedlog Komisije, zamjenik direktora donosi Odluku kao u dispozitivu.

PRAVNA POUKA:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđačima
- u spis